

E **ladron** ta bin solamente pa **hòrta**, pa **mata** i pa **destruí**; **Ami** a bin pa nan tin **Bida** i disfrutá di e **Bida** i pa nan tin **Bida** na **Abundansia**, **Abundansia** máksimo, te ora e basha over (**Juan 10:10**).

**Abundansia** tin konekshon ku e **Shete** nivelnan di e **Palabra**; **nos Beibel**.

1. **Lesá** e **Palabra** (**2 Timoteo 3:16**)
2. **Studia** e **Palabra** (**2 Timoteo 2:15**)
3. **Meditá** riba e **Palabra** (**Hosue 1:8**)
4. **Mira Esun Ungi** den e **Palabra** (**Génesis 1:26**)
5. **Rekonosé** e **Israelita** den e **Palabra** (**Deuteronomio 14:2**)
6. **Permanesé** kontinuamente den e **Palabra** (**Salmo 27:4**)
7. **Adorá i Alabá** kompletamente den e **Palabra** (**2 Krónika 7:3**)

Ora nos **Lesá** e **Palabra**, nos ta lesa tokante e historia **Hebreo**, ku ta un parti grandi di **nos** pasado.

Ora nos **Studia** e **Palabra**, nos ta kuminsá komprendé e historia **Israelita**, i asina saka probecho for di e **Palabra**.

Ora nos **Meditá** riba e **Palabra**, nos ta mira kon **Jehovah Su Palabra** ta **Transformá nos Bida** den e **mundu** di awendia.

Awèl asina aki e nivelnan ta sigui **Krese i Subi**. Esaki kièr-men ku ora abo ta **Mira Esun Ungi** den e **Palabra** (4) anto bo ruman ta **Lesá** e **Palabra** (1), bo ruman porta hopi leu for di komprendé loke abo ta papiando di dje. Esaki no ta **Problema** pasobra **nos** tur ta konosí pa **Dios Tata** promé ku **nos** a mira lus di **Bida** (**Salmo 139:13-14**). **Nos** tur tin **nos** talentonan ku **nos** a haña di **Dios Tata** (**1 Pedro 4:10-11**). Awor ta den **Unidat** so **nos** por traha huntu pa **Grandesa** di e **Reino** di **Dios Tata**, tumando **nos Abundansia** pa sigui **Krese i Subi**. Ta den **Dios Tata** su úniko Yu **Kristu Hesus**; **nos Abundansia**, so **nos** por pone **nos Fe**, pasobra **nos Mesias** ta **nos** úniko **Speransa**, no tin ni un otro mas ku por duna **nos** mas **Abundansia** ku **Esun** ku a bisa: "**Ami** ta e **Kaminda**, i e **Bèrdat**, i e **Bida**; ni un hende no ta bin serka e **Tata**, sino pa medio di **Ami** (**Juan 14:6**).

**Abundansia** ta mara na e nivel di abo su **Obediensia**. **Dios Tata** no ta bai duna abo algu ku bo no por karga. Pero abo mester hasi algu, pasobra e **Realidat** di un **Relashon** ta ku tur dos mester kontribuí. **Dios Tata** a hasi su parti dor di manda e bon **Wardadó**, awor ta abo mester hasi bo parti. **Dios Tata** ta hasi un **Yamada** na abo, pa abo para den bo **Viktoria** i kuminsá traha ku **Zelo** pa e **Reino** benidero.

21 april 2017

Sea Bendishoná den e Amor di Yeshua Mesias

Rev. Remsly L Riley